

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- एल.जी मनोज सिन्हा होरें आखेआ ऐ जे भारत दियां प्राचीन ज्ञान प्रणालियां शिक्षा दा हिस्सा होना लोड़चदियां न। उनें खराब कीते गेदे इतिहास गी सुधारने दी लोड़ पर बल पाया।
- कुलगाम च भखे दे टाकरे दरान त्रै आतंकवादियें दा सफाया, अभियान अजें जारी।
- जम्मू-कश्मीर च देशभक्ति दे जज्बे कन्नै लबरेज होइयै हर घर तिरंगा अभियान रम्भ होआ।
- जंगलात मंत्री जावेद अहमद राणा होरें मकामी मुद्दें पर चर्चा आस्ते मेंढर च लोकें तोड़ी पुज्ज बनाने आहले शिविर दा सरिस्ता कीता।
- अनंतनाग च इक्क झरने दी खुदाई दरान प्राचीन शिवलिंग ते मूर्तियां थोइयां जिंदियां जड़ां कार्कोटा राजवंश कन्नै जुड़ी दियां न।

<><><><><><>

LG-History

उपराज्यपाल मनोज सिन्हा होंरें आखेआ जे भारत दियां प्राचीन ज्ञान प्रणालियें गी मुखधारा आहली शिक्षा दा महत्वें आहला हिस्सा होना लोड़चदा। उनें लेखकें अगगे आहवान कीता जे ओह अतीत च खराब कीते गेदे इतिहास गी परतिये लिखन। श्री सिन्हा होंरें जोर देइयै आखेआ जे जियां-जियां भारत आर्थिक सांस्कृतिक ते वैज्ञानिक पुनर्जागरण दा गवाह बना करदा ऐ, औरे आहिलियें पीढ़ियें गी दस्सेआ जाना लोड़चदा ऐ जे प्राचीन भारत विश्व सभ्यता ते संस्कृति दा अगुवा हा। उपराज्यपाल होंरें एह गल्ल शेर-ए-कश्मीर अंतरराष्ट्रीय सम्मेलन केंद्र च भारती राश्ट्री पुस्तक न्यास एन.बी.टी आसेआ आयोजित 7 दिनें आहले चिनारर पुस्तक महोत्सव दे उद्घाटन समारोह गी संबोधित करदे होई आक्खी। अपने संबोधन च श्री सिन्हा होंरें आखेआ।

<><><><><><>

J&K Encounter

दक्खन कश्मीर च कुलगाम जिले दे अखल देवसर इलाके च चला करदे आतंकवाद विरोधी अभियान च त्रै बेपंछानु आतंकवादियें गी मारी मकाया गेआ ऐ। पुलस अधिकारिएं दस्सेआ जे इन्दे खात्मे लेई शुक्रवार थमां अभियान चला करदा ऐ। एह अभियान उस्सलै रम्भ होआ हा जिस्सलै इलाके च मौजूद आतंकियें अपने पर घेरा कसोंदा दिक्खियै बलें पर गोलीबारी कीती जेदा बलें बी पूरी तगड़ेयाई कन्नै परता दिता। इलाके दी पूरी चाल्ली घेराबंदी करी लैती गई ऐ ते कुसै बी आतंकवादी दे नस्सने दी कोश्ट गी नाकाम करने ताई इलाके च दाखल ते बाहर निकलने आहले रस्ते गी सील करी दिता गेआ ऐ। इस सरबंथै च होर ब्यौरै गी बलगेआ जा करदा ऐ।

<><><><><><>

Har-Ghar Tiranga

हर घर तिरंगा अभियान कल जम्मू-कश्मीर दे सब्बने जिलें च देशभक्ति दी भावना ते जोश जज्बे कन्नै रम्भ होआ। 15 अगस्त तगर चलने आहले इस अभियान दा मकसद विद्यार्थियें च राष्ट्री गौरव ते एकता दी भावना गी बढ़ावा देना ऐ। अभियान च शिक्षक ते विद्यार्थी राष्ट्र दी विरासत दा जशन मनाने आस्तै बक्ख-बक्ख गतिविधियें च सक्रिय तौरा पर हिस्सा लै करदे न। मीडिया कन्नै गल्ल करदे होई इक अधिकारी नै अभियान बारे जानकारी दिंदे होई दस्सेआ।

<><><><><><>

D.C Jammu I.Day

जम्मू दे डी.सी सचिन कुमार वैश्य होरें एम.ए.एम स्टेडियम च मनाए जाने आहले स्वतंत्रता दिवस समारोह दियें तैयारियें दी समीक्षा लेई लाई गेदी इक महत्वै आहली बैठक दी प्रधानता कीती। बैठक च मार्च पास्ट ते सांस्कृतिक कार्यक्रमें दे आयोजन पर टकोहदा ध्यान दिता गेआ। इस बैठक च होरनें दे अलावा जम्मू दे एसएसपी ते मुख् चिकित्सा अधिकारी बी मौजूद हे। उपायुक्त श्री वैश्य होरें राष्ट्री समारोह दा भव्य ते सुचारू ढंग्गै सिर आयोजन यकीनी बनाने लेई अधिकारियें गी निर्देश जारी कीते। इस सरबंधै च डी.सी होरें आखेआ।

<><><><><><>

Mission-Yuva

नौजोआनें दी नुमायंदगी आहले नवाचार ते आत्मनिर्भरता गी बढ़ावा देने बक्खी इक्क बड्डी गेंs दे तौरा पर मिशन युवा तहत प्रदेश दे सब्बने 20एं जिलें च उद्यमिता मेले ताइं समर्था निर्माण

रम्भ कीता गेआ ऐ। इस महत्वकांक्षी पहल दा मकसद कौशल, कारोबारी विचार ते मार्गदर्शन दे मौके उपलब्ध करोआइयै नौजोआनें गी बडाइखितयार बनाना ऐ तां जे इलाके च इक बेहतर उद्यमशीलता पारिस्थितिकी ढांचे दी नीह रक्खी जाई सकै। युवा सशक्तिकरण ते उद्यमशीलता दी दिशा च इक महत्वपूर्ण गैस पुट्टदे होई जिला पुंछ नै अज्ज मिशन युवा दे तैहत इक जीवंत समर्थ निर्माण मेला ते कार्यशाला दी मेजबानी कीती जेदे च विद्यार्थिये, प्रशिक्षुएं ते इच्छुक उद्यमिये दी बड्डी हिस्सेदारी होई। पुंछ दे ए.डी.डी.सी पंकज मगोत्रा होर मुख परौहने दे रूपे च कार्यक्रम दा उद्घाटन कीता। इस मौके पर कामयाब उद्यमिये अपने प्रेरणादायक सफर गी सांझा कीता। इस मौके पर स्टार्ट अप, माली योजनाएं ते कौशल प्रशिक्षण पर सत्र बी आयोजित कीते गे। डिप्टी ड्रैक्टर एम्पलायमेंट अब्दुल माजिद तांत्रे नै नौजवाने गी सशक्त बनाने च मिशन युवा दी भूमिका पर लो पाई ते आखेआ।

<><><><><><>

Floriculture-Training

केंद्र प्रायोजित योजना 'आत्मा' दे तैहत उधमपुर जिले दे बश्ट ग्रांस च आगवानी मैहकमे आसेआ फुल्ले दी काशत पर इक रोजा प्रशिक्षण कार्यक्रम दा सरिस्ता कीता गेआ। स्हाढे जिला संवाददाता अचिन दुबे दी रिपोर्ट मूजब इस सिखलाई कार्यक्रम च करसाने बदी चढिये हिस्सा लैता ते बक्ख-बक्ख किस्में दे फुल्ले दी काशत करने लेई नमी तकनीके दी जानकारी हासल कीती।

<><><><><><>

Rana-Darbar

जवाबदेही आहले शासन दे प्रति सरकार दी बचनबद्धता गी फी पक्का करदे होई जंगलात मैहकमे दे मंत्री जावेद अहमद राणा होरें पुंछ जिले दे मेंटर च छुंगन नबनी थाहर इक सार्वजनिक संपर्क शिविर दा आयोजन कीता। इस कार्यक्रम च आसे-पासे दे गाएं दे मुकामी बसनीकें दी सक्रिय हिस्सेदारी दिक्खी गई। इस मौके हाई कन्ने तबाह होई दियें शिड़कें, पानी दी सप्लाई च रूकावट ते खराब स्कूली बुनियादी ढांचे जनेह महत्वपूर्ण मुद्दें गी चुक्केआ। मंत्री होरें लोकें दी शिकायतें गी सुनेआ ते उंदा समेंसिर नबेड़े दा भरोसा दोआया। इस कार्यक्रम दा मकसद जमीनी स्तर पर पुज्ज गी मजबूती देना ते विकास सरबन्धी चिंताएं गी सिद्धे तौरा पर दूर करना हा।



JK-Excavation

कश्मीर घाटी दे अनंतनाग जिले च इक टकोहदी पुरतात्विक खोज दरान नेकें शिवलिंग सने हिंदु देवी-देवतें दियां मूर्तियां थोइयां न। एह मूर्तियां ऐशमुकाम च सालिया इलाके दे करकूट नाग च चला करदे इक्क झरने दी खुदाई दे कम्म दरान सामने आइयां न। लोक निर्माण विभाग पीडब्ल्यूडी दी इक परियोजना तैहत कम्म करा करदे मकामी मजदूरें देवताएं दियां नक्काशीदार पत्थर दिएं शिलाएं गी बरामद कीता। अभिलेखागार पुरातत्व ते अजायबघर मैहकमे दे अफसरें थाहरै दा दौरा लाया ते दस्सेआ जे बरामद कलाकृतियें गी वैज्ञानिक जांच लेई श्रीनगर भेजेआ जाग तां जे उंदी उम्र दा पता लाया जाई सकै। एह थाहर कश्मीरी पंडितें लेई आध्यात्मिक तौरा पर महत्वै आहली ते ऐतिहासिक कार्कोटा राजवंश कन्ने जुड़ी दी ऐ।

बूहटे लाए जाने दे कन्नै स्वतंत्रता दिवस तगर कुल 60 जहार बूहअे लाने दा लक्ष्य हासल करना ऐ। इस संदेश च जे.एम.सी कमिशनर डॉ. देवांश यादव होरें आखेआ।

<><><><><><>